

Bergen, 06.03.16

## Endring i føresegn for Bergen ungdomslag Ervingen sitt Reservefond

### Noverande tekst §3 Fondsmiddel:

Fondet består av to delar: bunden fondsmiddel (grunnmiddel) og fri fondsmiddel.

For å oppretthalde realverdien av den bundne delen skal denne verdiregulerast pr. 1. januar kvart år før godkjenning av rekneskapen med midlar frå avkastninga. Ein skal nyta årsveksten konsumprisindeksen (KPI) gjennom siste kalenderåret for verdiregulering.

Ved etableringa av fondet 1. januar 2009 var bunden fondsmiddel kr 2.500.000,-. I 2011 vart bunden fondsmiddel utvida med "Obligasjon" i Ervingen Lagsbruk AS , stor kr 10 mill.

Frie fondsmiddel vert ikkje verdiregulert.

### Framlegg til ny §3 Fondsmiddel:

Fondet består av to delar:

1. Likvide middel plassert i bank og fond.
2. Ein ikkje likvid "obligasjon, eit renteberande lån til Ervingen Lagsbruk AS.

### Noverande tekst §6 Løyvingar:

6.1 Løyvingar av bunden fondsmiddel.

Løyvingar av bunden fondsmiddel (grunnmiddel) kan berre årsmøtet i laget gjera med 2/3 fleirtal etter at fondsstyret og rådet har gjeve si innstilling eller uttale.

6.2 Løyvingar av årsavkastninga ved årsoppgjeret.

Av fondet sitt årsresultat (avkastning når finanskostnader er trekt frå) skal ein trekkja frå eit beløp tilsvarende KPI for bunden fondsmiddel og legge det til fondet sin grunnmiddel, jf. §3 2.ledd. Resterande fondsavkastning frå "Obligasjon" skal i sin heilskap gå til lagsdrifta. Øvrig resterande fondsavkastning skal fordelast etter brøken 80% til lagsdrifta og 20% til fri fondsmiddel.

6.3 Løyvingar av fri fondsmiddel.

Løyvingar av fri fondsmiddel er tiltenkt investeringar / vedlikehald på Eidsholmen eller til andre særlege tiltak som ikkje kjem inn under den vanlege lagsdrifta. Fond- og egedomsstyret kan gjere slike løyvingar i samråd med Rådet. Dersom desse ikkje vert samde eller løyvinga vurderast som stor ved at den utgjer meir enn 50% av fri findsmiddel, skal saka avgjerast av årsmøtet.

Alle løyvingar under 6.1 og 6.3 skal skje etter søknad.

Framlegg ny tekst §6 Årsoppgjersdisposisjonar og løyvingar av fondsmiddel.

### 6.1 Årsoppgjersdisposisjonar

Fondet sitt årsresultat (avkastning når finanskostnader er trekt frå) skal årsmøtet fordela mellom

styrking av fondsmidla og overføring til lagsdrifta, etter innstilling frå Fonds- og eigedomsstyret og Rådet.

Årsmøtet avgjer kvart år, etter forslag frå Fonds- og eigedomsstyret og Rådet, om det er råd å verdiregulera dei likvide fondsmidla ved å leggja KPI til midla.

Renter for ”Obligasjonen” skal som hovudregel gå til lagsdrifta. Andre inntekter skal leggjast til dei likvide fondsmidla.

## **6.2 Løyvingar av likvid fondsmiddel**

Løyvingar av fondsmiddel til investeringar / vedlikehald på Eidsholmen eller til andre særlege tiltak som ikkje kjem inn under den vanlege lagsdrifta, kan Fonds- og eigedomsstyret gjera i samråd med Rådet. Dersom desse ikkje vert samde, eller løyvingar totalt pr. år utgjer meir enn 5% av dei likvide fondsmidla, skal saka avgjerast av årsmøtet med 2/3 fleirtal. Alle løyvingar skal skje etter søknad.